

гла: проклати оукланаштенса отъ заповѣди твоихъ. тѣмъ же и самъ са похвали, гла: Коль сладъка словеса твоя, паче меда оустомъ моимъ, и законъ оустъ твоихъ паче тысяща злата, и сребра, и въспѣтъ, гла: Въздрадоужса азъ о словесехъ твоихъ, яко обрѣтаю користь многоу. користь во нарече словеса бжия, гла: Яко обрѣтохъ, недостойнъ съ, такъ даръ еже ми са поучати словесемъ твоимъ днь и ношь.

То мы, братия поразоумѣимъ и послушанимъ разоумьнымъ оушима, и поразоумѣимъ силж и поучение стыхъ книгъ. Послушай ты жития стааго василія и стааго іва. златоустааго и стааго кирила фїлософа и ихъ много стыхъ, како и ти съпърва, повѣдають о ихъ рекше, измаада прилежаахъ стыхъ книгъ, тоже и на добра дѣла подвигоушася. вижь, како ти начтъкъ докрѣпимъ дѣломъ поучение стыхъ книгъ! да тѣми, братия, и сими подвигомъ са на пжть жития ихъ и на дѣла ихъ, и поучанимъса въиноу книжнькимъ словесемъ, творяще воля ихъ якоже велеть, да и вѣчьныи жизни достойни бждемъ, въ вѣкы аминь.